

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva zdravstva, Vlada Zeničko-dobojskog kantona, na 175. sjednici, održanoj dana 06.10.2022. godine, d o n o s i

ZAKLJUČAK

o davanju saglasnosti na Protokol o vođenju pregovora radi pregovaranja i zaključivanja Izmjena i dopuna Kolektivnog ugovora o pravima i obavezama poslodavaca i radnika u zdravstvu na području Zeničko-dobojskog kantona

I.

Daje se saglasnost na Protokol o vođenju pregovora radi pregovaranja i zaključivanja Izmjena i dopuna Kolektivnog ugovora o pravima i obavezama poslodavaca i radnika u zdravstvu na području Zeničko-dobojskog kantona („Službene novine Zeničko-dobojskog kantona broj: 9/22).

II.

Ovlašćuju se:

- dr Adnan Jupić, ministar Ministarstva zdravstva Zeničko-dobojskog kantona, Omer Škaljo, direktor Zavoda zdravstvenog osiguranja Zeničko-dobojskog kantona, dr Senad Huseinagić, direktor Instituta za zdravlje i sigurnost hrane Zenica i Mirnes Burkić, sekretar Sekretarijata za zakonodavstvo, da kao ovlašteni pregovarači u ime Vlade Zeničko-dobojskog kantona, sudjeluju u pregovorima i potpisivanju dnevnih zapisnika o pregovorima, radi pregovaranja i zaključivanja Izmjena i dopuna Kolektivnog ugovora iz tačke I. ovog zaključka.

- Ovlašćuje se ministar zdravstva dr Adnan Jupić da angažuje i druge stručne kadrove, radi stručnih konsultacija.

III.

Ovaj zaključak stupa na snagu danom donošenja.

Broj: 02-_____ /22

Datum, 06.10.2022. godine

Z e n i c a

**PREMIJER
po ovlaštenju**

Spahija Kozlić

DOSTAVLJENO:

1x Ministarstvo zdravstva,

1x Ministarstvo za pravosuđe i upravu,

1x Ovlaštenim, putem Ministarstva zdravstva,

1x a/a.

PRIJEDLOG

U skladu sa članom 139. Zakona o radu („Sl. novine FBiH“, broj: 26/16, 89/18 i 44/22) i članom 22. Općeg kolektivnog ugovora za teritoriju Federacije Bosne i Hercegovine („Sl. novine FBiH“, broj: 26/16 i 89/18) predstavnici ugovornih strana i to:

1. Vlada Zeničko-dobojskog kantona, zastupana po ministru Ministarstva zdravstva dr. Adnanu Jupiću, s jedne strane i
2. Nezavisni strukovni sindikat radnika zaposlenih u zdravstvu u Federaciji Bosne i Hercegovine, Kantonalni odbor Zeničko-dobojskog kantona, zastupan po predsjedniku Zaimu Begiću, s druge strane,

dana _____. godine, u Zenici zaključuju

P R O T O K O L

o vođenju pregovora radi pregovaranja i zaključivanja Izmjena i dopuna Kolektivnog ugovora o pravima i obavezama poslodavaca i radnika u zdravstvu na području Zeničko-dobojskog kantona

Član 1.

Ovim Protokolom ugovorne strane definišu postupak i rokove za pregovore, radi pregovaranja i zaključivanja Izmjena i dopuna Kolektivnog ugovora o pravima i obavezama poslodavaca i radnika u zdravstvu na području Zeničko-dobojskog kantona („Službene novine Zeničko-dobojskog kantona broj: 9/22), (u daljem tekstu: Izmjene i dopune Kolektivnog ugovora).

Član 2.

- (1) Pregovori radi pregovaranja i zaključivanja izmjena i dopuna Kolektivnog ugovora, vode se prema prijedlozima ugovornih strana.
- (2) Pregovori iz stava (1) ovog člana, otpočinju od dana potpisivanja ovog Protokola.
- (3) Ugovorne strane su saglasne da je okvirni rok za vođenje pregovora iz stava (1) ovog člana 45 dana, u skladu sa članom 139. stav 3. Zakona o radu.
- (4) Rok za pregovaranje iz stava (3) ovog člana, može se prolongirati, ako se o tome pismeno usaglase ugovorne strane.
- (5) Ugovorne strane su saglasne da ukoliko se u roku iz stava (3) ovog člana, odnosno u prolongiranom roku iz stava (4) ovog člana ne postigne saglasnost za zaključivanje Izmjena i dopuna Kolektivnog ugovora, da će odluku u vezi sa pregovorima donijeti nadležni organi Samostalnog strukovnog sindikata doktora medicine i stomatologije Zeničko-dobojskog kantona, s jedne strane i pregovarački tim Vlade Zeničko-dobojskog kantona, s druge strane.

Član 3.

- (1) Ugovorene strane su dužne u dobroj vjeri pregovarati u predmetu pregovora i učiniti razumne napore da pregovori budu uspješno okončani u planiranom roku, te se suzdržati od radnji koje bi za cilj imale neopravdano odugovlačenje pregovaračkog postupka.

(2) Mjesto i vrijeme održavanja pregovaračkog sastanka ugovorene strane će dogovoriti sporazumno na kraju svakog sastanka.

Član 4.

Ugovorne strane mogu angažovati stručnjake ili druge zainteresirane osobe u svojstvu savjetnika koje mogu prisustvovati sjednicama ugovornih strana bez prava odlučivanja.

Član 5.

Protpisivanjem ovog Protokola ugovorne strane izjavljuju da njihovi predstavnici koji će voditi pregovore iz člana 2. ovog Protokola, imaju ovlaštenje o vođenju pregovora.

Član 6.

Ugovorne strane su obavezne voditi zapisnik o toku pregovora koji obostrano potpisuju.

Član 7.

- (1) Ugovorne strane se obavezuju da čuvaju kao službenu tajnu sve podatke, informacije, kao i dogovorene prijedloge tokom vođenja pregovora saglasno ovom Protokolu.
- (2) Ugovorne strane se obavezuju da tokom vođenja pregovora saglasno ovom Protokolu neće istupati u javnost u sredstvima javnog informisanja.
- (3) Obaveza čuvanja službene tajne, kao i obaveza neistupanja u javnost u sredstvima javnog informisanja iz stava (1) i (2) ovog člana odnosi se i na osobe iz člana 4. ovog Protokola.

Član 8.

- (1) Ovaj Protokol se smatra zaključenim kada ga u istovjetnom tekstu potpišu obje ugovorene strane.
- (2) Ovaj Protokol je sačinjen u 4 (četiri) istovjetna primjerka, od kojih po 2 (dva) primjerka drže ugovorne strane.

Vlada Zeničko-dobojskog kantona
zastupana po ministru zdravstva

dr Adnan Jupić

Nezavisni strukovni sindikat radnika
u zdravstvu u Federaciji Bosne i Hercegovine,
Kantonalni odbor Zeničko-dobojskog kantona

Zaim Begić

Broj: 11-33-_____/21
Dana: __. __. 2022. godine